

ودعي الحسن يا زينب

ابدمعة العين وي دمعة حسين



يا هلي عليّه	ظلمه هالليالي
اموسده المنيه	عزوتي ودلالي
من بعد الزچيه	عيشي ما حلالي
دمعة الشُفيه	تسكن ابخيالي
دايره الأسيه	تنظر اشجرالي
ابسما الرزيه	والحزن هالالي

هاذي المسيه يا زينب

أرض المدينه ضجت حزينه



فاقده الحبايب	موحشه ديارى
دايره المصايب	ليلي ابنهاري
والدمع سحايب	ونّة اعتصاري
ألم النوايب	موج اصطبارى
دمعة النحايب	بالقلب أوارى
ساعة الصعايب	من إلي يدارى

هلي دمتعچ يا زينب

هاي المسيه عندچ رزيه



للحسن أودع	سيد الهواشم
أنظره ينزع	حسين يمه لازم
يذرف المدامع	والحزن مواتم
أهمة المواجه	بالقلب هماهم
تندبه الشرايع	سيد المكارم
سلم الودايـع	والوصية جاسم

صوب النعش يا زينب

صبيحي يمسوم اقليبي مالوم



وجيت سلامي	قاصد الزياره
للبقيع وضامي	قلي بنكساره
يا وجيه وحامي	ابجمرة اصطباره
للحسن إمامي	ألتجي ابمـزاره
يمته للمقام	ترتفع مناره
وقبته تسامي	وللكرم اشاره

هذا العزه يا زينب

للمجتي اليوم ماتمنه موسوم

